

دائرة مخصوصه

درسعادتده باب عالی جوارنده

محل اداره :

مشرط القلم

اخطار :

مسلكمزه موافق آثار جديده مع المنونيه
قبول اورانور

درج ايندلهين آثار اعاده اورانور

دينه، فلسفه، علوم، حقوق، ادبياتده و سياسياتده و باطخاصه كرك سياسي او كرك اجتماعي و مدني احوال و مشوره اسلاميه در بحث ايدر و هفته در نشر از انور.

آبونه بدلی

صاحب و مؤسسری :

درسعادتده نسخه سی ۵۰ پاره در

ابوالعلا زين العابدين - ح . اشرف اديب

سنه لکی التي آيلنی

ممالك عثمانیه ايچون	۸۰	۴۰	غروش
روسيه	»	۶۵۰	۳۵۰ روبله
سائر ممالك اجنبیه	»	۱۷	۹ فرانق

تاريخ تأسيسی

قيرله دن مقوا بورو ايله كوندريليسه سنوي
۲۰ غروش فضله آلير

۱۰ تموز ۳۲۴

تجاوزاتده ونهب و غارتده بولمقدهدر . وملاياوند اسمنده بر ذات افغانستانده اسلحهك اوجوز بولنديني بر زمانده تسليحه موفوق اولديني عساكريله هندستان حكومتنه قارشى مشكلات احدات ايلكدهدر . حكومت امن و آسايشى دائمي صورتده اخلاص ايدن بواجوالدن طولاي اندیشه ناكدر .

مصر :

ازهر طلبه عمومى متينغلر عقد ايدرك حكومتدن مطالبات آتيده بولمشلردر :

۱ - - وظيفة تدريسك اهل وكفو اولان ذواته توديعى ودرسلك طلبهك سفته واشتغال ايدمچكلى زمانه كوره نتيجه مطلوبه يي بر آن اول الده ايدمچك صورتده تقسيمى

۲ - - علوم جديده عصريةك حال حاضرندن دهامكمل صورتده تدريسى ومكتبلره ويرلمكده اولان آلات وادوات فنيه وتدريسيهك مدرسه لرده توزيى

۳ - - ازهر كتيخانه سته علوم جديده دأرده كتابلر قونيله رق طلبهك هر زمان ايچون اوكتابلردن مجاناً استفاده سى اسبابك تأمينا .

۴ - - يك آغير امتحانلره تابع طوتيلان مرتبه اولى ونانيه مأذونلرينه بوكفيله متناسب درجده امتيازات طانيله رق مثلاً مرتبه اولى مأذونلرينك مكاتب سائرده كندي درجه لرنده بولنانلره بخش ايديلان امتيازاته نائل اوله رق مركزده كي محاكم شرعية وازهر وادواق اداره لرنده استخدا م ومرتبه ثانيه مأذونلرينك ده جوامع شريفه ده خطابت ، واعظلك ومحاكم شرعية كليده كتابت كى وظيفه لره تعيين ايدملرى .

۵ - - علمايه تفريق ايديلان تخصيصاتك علمايه طلبهك معروض بولاندقلى احتياجات ايله متناسب بر صورت معقوله ده تقسيمى .

۶ - - مكتب قضاة مأذونلرينه قضا وافتا خصوصنده طانيلان حقوقك مرتبه ثالثه ده عالميت رؤسنى حائز ازهر مأذونلرينه تشميلي ۷ - - اساساً هر سته امتحان ويرمكه قانوناً مجبور بولنان ازهر طلبهك عسكرلكندن معافيتى ايچون آيروجه قرعه امتحاننه تابع طوتيلماسى .

۸ - - ازهرده بالفعل تدريس مأمورا اولان ذواته تاريخ تعيينلردن اعتباراً معاش تخصيصى .

۹ - - سته امتحانلرينك طلبهك بر سته لك مكاتبات علميه سته حصريله علوم جديده تحصيلى ايچون وضع اولنان قيودك طلبه لهنه تفسيرى .

۱۰ - - ازهر شيخى ايله وكيلى واداره اعضا ريله مفتشى ازهر علماسندن لاقلا يوز ذاتك بالاجتماع انتخاب ايتملرى ومذاهب مشايخى او مذهبه بولنان علماء موجودينك نصفندن فضله ستهك اجتماعيله انتخابى ، مفتش معاونلرينك ورواق شيخلرينك وبودرجه ده بولنان مأمورين سائردهك لاقلا الى ذاتدن تشكلى ايدمچك بر جمعيت علماء طرفندن انتخابى وبتون بواختابلرده رأى خفى به مراجعتله اكثريت آرانك معتبر عد اولمى وتساوى حالنده قرعه شرعية به توسل ايدلمى - موجودلرك بوقواعده تطبيقاً بقاى مأموريتلى واداره

اعضاسيله مفتشلك اوچ سنده بر تبديلى اجرا ايدمليدر . ۱۱ - - قانونه تجاوز حالنده مدرسلره تطبيق اولنان احكام جزائيهك بالعموم ازهر مستخدمينه تشميلي .

۱۲ - - ازهر مشيختندن انفصال ايدن ذواته قيد حيات شرطيله شرفلريله متناسب مقدار كافى معاش اعطاسى .

۱۳ - - علماء وطلبهك سنده بر دفعه مملكتلرينه عزيمت وعودتلرنده شمندوفر قومپانيه لرنجه مجاناً نقللى .

۱۴ - - ازهره دائر وقفه حجتلرينى احتوا ايدر بر دفترله اعيان وقفهك احوالى كوسترر ديكر بر دفترك ازهر كتيخانه سنده انظار عموميه وضعى .

تونس :

تونسده (جامع كير) دارالعلوم طلبه سيله حكومت آرهنده بر اختلاف تحدى ايتمشدر . طلبهك مسلحاً مدرسه به دوام ايتدقلى بهانه سيله تونس حكومت محليه سى مدرسه يي قياتمه قرار ويرمشدر . اسلاملرده كي آثار انتباه اجنيلرك ايشنه كليكندن منابع انتباه اولان مكتبلره ، مدرسلره هجوم اولنيور . روسيه ده اسلام مكتبلى قپانيور . بيجاره ازهر طلبه سى قاهره سوقاقلرنده آواره آواره طولاشيور . هندستانده مكاتب اسلاميه آغير استبداد زنجيرلى النده ايكليور . ايشته تونس دارالعلوميده مصنع مرتب بهانه لريله آرقداشلىرينه الحاق اولنيور . علمائى اسلاميه من ايسه حالا بومهم مسائل حياتيه يي نظر اهل ولاقيدى ايله تلقى ايدرك بربرلريله اوغراشمقدن رطب ويابس الفاظ كورتليرندن وازكميور . لاحول ولاقوة الا بالله .



طبرعات سرية :

قزنده منتشر (بيان الحق) غزته سى معلم يتشديرمكدن بختله ديوركه :

« معلم يتشديرمك وصرى حاضرله مق نه قدر مسئوليتلى ، نه قدر مهم برايش در . بركره دقت ايديكز : معلم حاضرله جق معلم ، بيكرجه جوجقلى تربيه ايدمچك مستقبله كي صربى لرى يتشديرمچكدر . وطن ياورولرينه حسن اخلاق واسلاميت تعليم ايدمچكدر . استقبالده ملتزه ايديله جك خدمتلى بولرك سوزينه بولرك تربيه سته باغليدر . اكر ملت وقوميتى حمايه ايدوب علوم وفونه رغبتلى وطنه خدمت ايدر معلم يتشديررسه او معلم لرده شاكر دلرلى شو روحه وشو فكره موافق تربيه ايتمكه غيرت ايدمچكدر .

برقاچ كون مقدم تقريباً ۳۵ سنده برى معلمك ايتمكه اولان روس تاتار اوچيتلسكى اشقولا ستهك دين اسلام وتاتار لسانى معلمى طيب افندى مرحومك ارتحال وقوعبولدى جناب حق روحى شاد وقبرى منور ايتسون آمين .

شمدى يرينه ديكر معلم تعيينى البته لازم اولاجقدر . لكن بوذاتك يرينى كيم اشغال ايدمچك ، ۲۰ مليون خلقه معلملر حاضرله منى كيم اوستنه آلاچق ؟ البته بووظيفه يي درعهده ايتك ايستيان افنديلر يالكز حكومتدن آلاچنى معاش ايله حياتى نصل تأمين ايدمچككى اوز حالى نصل اصلاح ايدمچككى دوشونملى ، اك اول يكرى مليون خلقه معلملر ويرمكى وبويكرى مليون خلقك معلملرينه اك مهم دينى معلم اوله بيلمك لندن كلوب كليه جكنى وجداناً

حاکم ایدرک کندیسنک بو خدمته حقیقه مستحق اولدیغنی وجدان تصدیق ایدرسه آندن سوکره بو یوکی اوزرینه آلمی .

جمله من بیلورز که مکتبلریزه معلملر حاضرلامق پک مشکلاتی بر شکل آلدی . حتی حاضر معلملریزه مساعده استحصالنده چوق صیقنی چکدیله . بناء علیه بوندن صکره رسمی معلملر انجق بومکتبدن چیقان افندیله میاننده بولنه جقدر هم روس لسانی معلمی هم تاقارجه ودینی معلمی اولاجققلر والحاصل بومکتبدن بکونه قدر کوریلان خدمت حال حاضرده قتمرلشه جکدر . ائندی بومکتبه لازم اولان دینی معلمی بونلرک جمله سندن خبردار حقیقه اصول تربیه یه واقف و دین ولسان درسارنده متبحر بر ذات اولمیدر . بوقدر مهم بر وظیفه یه فلان معلم ویا فلان ملا اهلدر دیسه ک و بو باده کی استحقاق برذاته حصر ایتسه ک البته پک فاحش برخطا ایتش اولور ایدک ، شبهه یوق که مکتب اداره سیده بوقدرده بولنه جق اولورسه فاحش برخطا ایتش اوله جقدر . بناء علیه اگر مکتب اداره سی حقیقه معناسنه مطابق معلملر حاضرلامق فکرنده ایسه بو خدمته اهل ذوات آراسنده بر مسابقه امتحانی آچلیدر . بوامتحانده برنجیلک کیمک حصه سنه دوشرسه یعنی کیم برنجیلک درجه سنی آلیسه اومعلم اولمیدر . مکتب اداره سیده بوقدر براییلکی خدمت ووظیفه سی اوغرینه نظره آله جق امید اولنور .

مکتب اداره سی هر نه قدر رسمی بر حکومت دائره سی ایسه ده خدمتک فائده لی اولسی ایچون بوقدر جق بر غیر رسمیلکدن قاچاسه کرکدر .

سلا نیکده منتشر (روم ایلی) غزته سی قومیه متعلق نشریات معلومه دن بحث ایله دییور که :

« عربلرله ترکلری بر برینه باغ لایان رابطه قویه ، عصرلرک مروریله صلابتی آرتمیشدر . « بتون مؤمنلر قارداشدر . « دین فرقان مبین ، اقوام اسلامیه ده صلابت دینه باقی قالدیقه ، ترکلره سائر اسلام عنصرلری آره سنده هر درلو تفرقه نك حدوشه مانع قوی اوله جقدر . قومیتی دینه ترجیح ایتک ایسته یلرک دها پک چوق عصرلر ایچون موفقیت امید ایتلری امکانی کورده میورز .

تان غزته سنه ، ترکلرک عناصر سائر اسلامیه یه قارشى بیله مساوات سزجه حرکت ایتدیکنی یازمق خفیف لکنده بولنان ذات اولیسی کونکی طین رفیق مزده ، حربیه ناظرى پاشا ایله بتون عثمانلی اردولری قوماندانلری میاننده بر ترک بیله بولندیغنی حقنده کی یازیلری کوردرک متأثر اولورمی ؟

ترکر ، موجودیت ملیه لرینه ، عناصر سائر اسلامیه یی اوقدر قاریشدر . مشلردر که ، تاریخمیزک کمال شرفله یاد ایتدیکی اک بویوک رجال ایچنده سائر عنصرلردن اولانلرک موجودی ترکلرک یکونندن پک چوقدر .

ترکلره « عصیت مفرطه » اسناد ایدنلر ، بونقیصه نك کندیلرنده دها زیاده اولدیغنی دوشونه میورلر تربیه قومیه دن ترکر قدر محروم قالش سائر بر عنصر کوسستریله بیلورمی ؟ بکون « ژون ترک » عنوان مفخرتیه بو ملک معزوده خدمات وطن پرورانه ابراز ایدنلر ایچنده عجبا قاچده قاجی ترکدر ؟ وطنک آفاق مقدراتنده پارلایان ناموسکار ضیالرک اکثریتی کیملر تشکیل ایدیور ؟ اک چوق « تعصب قومی » ایله اتهام اولونان اتحاد وترقی جمعیتی اعضای محترمه سنک اکثریتی ترکلردن می تشکیلدر ؟

ترکر ، قومیتلرینه هر وقت وطن مشترک سعادت حقیقه سینه فدا ایتشلردر . وطن ایچون چالیشان بر عربی ، بر ارنارودی ، بر چرکسی ، بر کردی . . . الخ اک بویوک بر موقع تجلیده طوتمشلردر . بونلر انکار اولونامیه جق حقایق تاریخیه دندر .

بونلری اونوته رق ترکلکی مساواته عدم رعایتله اتهام ایتکه قالیشانلر ، بزه کوره ایکی نقطه نظره خدمت ایدیورلر :

برنجیسی قومیتلرینه منفعت مشترکه نك فوقنده بر تعصبه سومک ، بو خصوصده منطقه بسبتون بیکانه قالمق ، ایکنجیسی ، بو کورولتورله بلکه بویوک بر موقع قایق ،

برنجیسنه اک چوق ، هنوز یکریمی یاشنی اکمال ایتشمش کنج دماغلرده

تصادف ایدیورز . فی الحقیقه دائما آماده تهیج بر حالده بولنان ، بکنج عصیلر ایچون ، عنعنات قومیه نك بویوک بر تأثیری اولدیغنی انکار اولنه ماز . یاشنی یاشنی آلمش ، حقایق احوالی آکلامش اولانلرده کی ایسه ، دماغسزلقدن ، یاخود سببیز بر نفرت و غیظدن متولد دکلسه ، مطلقا ، منفعت شخصیه نك تأمین حسندن ایلری کلیور . کنج دماغلری تهیج ایدنلرکده بو ایکنجیلر اولدیغنی ، بو زوالی معصوملری کندی منفعتلرینه آلت ایتکه چالیشدقلرینه مع التأسف آکلامده کیمکمدک .



قاهرده منتشر (الوا) غزته سی حکومت مصریه نك عقد ایتک اوزره بولندیغنی استقراضدن بحثله دییور که :

« یکی بر استقراض عقدینه موافقت ایدمیز . باخصوص انکلیز مقرضلرله اصلا معامله یه کیریشه میز . زیرا نتیجه نك زویه واره جغنی پک ائی تقدیر ایدرز . اساساً استقراضده احتیاج کورده میورز . حکومت جمعیت عمومیه ده معاملات مالیه سنک محور لایقنده بولندیغندن بحث ایتش حتی سویش قنالتک تمید امتیازی مسئله سی مجرد بر فرصتدن استفاده املنه مبتنی بولندیغنی بیان ایلش ایدی . شو حالده سیر قاسلک پنجه سنه زوالی مصری آتمقده معنانه . هایدی حکومتک احتیاجاتی قبول ایده لم . استقراضدن اول استفاده ایدیه جک بر چوق منابع مالیه واردر . جزئی اقتصاد میلیونلر تأمین ایدر . مدخر احتیاط اچیه سنه مراجعت اولنه میلور . فقط حکومت انکلیزلرک آرزولرینه کوری کورینه متابعت صورتیه اثر ضعف کوستریور . انکلیزلر ایسه یوز میلوندن اشاغی بورجک تزللی قطعاً ارزو ایتدکلری کی یوز میلونی ده اصلا استکثار ایتیلورلر . مقصدک نه اولدیغنی میدانده . بزامت مصریه بو بورجه راضی دکلز ضرری ایسته مامکده شبهه سزکه حقلی یز . حکومت متبوعه من اولان دولت علیه عثمانیه ده یانی باشمزرده در . متبوعمه اشغالچیلرک مقصدلرینه وپاره لرمنی نه صورتله صرف ایتکده اولدقلرینه بیلدیرملی یز . هر نه دینورسه دینسون بکون مصرک اجزاء ممالک عثمانیه دن اولدیغنی انکار اولنه من . حکومت عثمانیه ایسه مصرک بویله هر کسه مأکل اولسنه رضا داده اوله میه جغنی کی امانتی اعاده ده ماطله کوسترنلره و دیعه براقعیده خوش کورمن . »



طهرانده منتشر (ایران نو) غزته سی عسا کر اجنبیه نك هنوز عودت ایتامش اولدیغندن بحث ایله دییور که :

« واقعا محمد علی ایله اعوانی خارجه چیقاردق . فقط بوکا مقابل بیکارجه نفر اجنبی عسکرینه ایچمزرده کوردرک تلخکام اولورز بو حال شبهه سزکه استقلالزی تهدیده استبداد داخلی دن دها مدهشدر . ایشه محمد علی میرزانک مملکته اک صوک بویوک خیانتی . کوریلورکه کندیسنی بر کناره آتقله محاربه سندن قورتولش اولیورز . ایسته دیکمز موفقیتی هنوز الله ایده مدک . مات مقدراتنده رأیتک نافذ اولدیغنی هنوز سویله میور . مملکت ، طوبراغنک مستقل صاحبی اولدیغنی فرض ایتکه هنوز مقتدر بولمیور . اجدادیمیزک مرارلری پامال خیول اجاب اولدیه ادعای استقلالده بولمق پک واهیدر . عجبا استقلال کاملی الله ایتک ایچون یکی باشند ینه فدا کارلرله لزوم کوریه جکمدور ؟ »

« مطبعة خیریه » و شرکاسی مدیر مسئول : اشرف ارباب